

QVÆSTIO MEDICA.

Quodlibetariis disputationibus manè discutienda in Scholis Medicorum, die Jovis 7. Januarii.

M. JOANNE-BAPTISTA DE REVELOIS, Doctore Medico, Præfide.

An quæ primo partu Mærem generant fecundiores?

FŒCUNDITATEM quæ mulier uni sæpius vivacique proli generandæ sit idonea, naturæ in deliciis esse, abundè monet ars conformandi quæ præsertim plena Deo est. Dum enim immortalitati studet, quam anxie quærit, mirum quid moliat, ut individui caducam fragilitatem compensare queat. Ubi primum itaque seu mari, seu fœminæ sua vis, organorumque configuratio satis acceperint, si adultum opus natura, ne dicam, penè noveca negligere videtur, ipsa nihilominus parentis optimæ numquam non vices agens, Epheborum proprias partes, ac præter eas succos meliores semen atque sanguinem, sed festinans in mulieribus adornat. Quamobrem in uno hoc negotio veluti tota versaretur, parùm ejus interesse diceret sexuum alterum nimiam salacique venere minore fieri, etiamnum ve commori, dummodo novæ sobolis partu reviviscere durareque posset in specie, ut enim ea stabilis permanens sit, cupidinum matre, sed leni profectò opus est, quippe quæ moderata ac intermissa solum fecundior esse soleat.

FINEM ut consequatur natura, rerum designationem & apparatus inspice. Sexuum impenditur actio, quicquid diversâ partiû compositione distent, pari tamen ætatis atque temperamenti conspiratione commendantur. An non ita satius est ætate florentes connubio jungi, quàm si senex puella, aut quod absurdus vetula multarum nuptiarum semperque thori impatiens juveni nubat. Atenim ex sexuum affinitate, dum alius in alium sit proclivis, tertium quid prodit, quod ubi semel ab avidiori prolektatum est utero, aliquantulum servatur ad actum, si tamen robustius probæque notæ, & insuper arum præclare temperatum nulla qualitate peccet, quæ satius deperdat. Siquidem jam illis unâ consentientibus, adest conceptionis & ab eâ circiter Animæ architectonica creationis momentum, maximè cum amborum laudabilis constitutio bene temperata probet primaria viscera, quorum ope ex puriori materiâ testes *ignobilius*, tam *dispergibiles* dexter nec abs re, quàm *hæc* sinister nec injuriâ, semen vi prolifica donant, à quo præsertim habet mulier ut quantum sibi sterilitas dedecori vertitur, tantum eidem ornamento sit *divina*, sed eo certè major, quod puer illa quamprimum maturo viro collocetur, juvenis contra crudior etiamnum & inhabilis diu servatus expectet, tametsi tardius & senex generat.

ANIMA sui domicilii fabricæ quamtûmvis necessariò præsit, cave ne putes illam. moliti quidpiam seorsum ab organis, quibus servire debet etiam ut ratiocinetur. At quantò majori jure, si conformatricis officio fungitur, quæ licet in indigestâ mole profus immerfa videatur, artamen ex selectâ ejus portione subjectam rudiùs delineare materiam atque fingere, tum verò promere simul ac omnes ad unam particulas ornare non cessat, quæ juxta convectas similitum partium in seminariis imagines, vel principem sexum ex masculinâ foris, aut secundarium ex femininâ semine intus exhibituræ sint. Quod dum sit si sexuunt alter patris effigiem, quod amat fieri, vel matris vultum potius refert, aut quemdam in determinatâ parte nævum repræsentat, hoc efficax imaginatio, illud autem ad exemplarium fidem, si suo natura juverit organo, facultas effingens potissimum assequatur, atque perficiat.

CALOR qui cuncta nutu moderatur, dum seipso vegetior factus, suâ sponte fors prodit, & pedem effert, is delatam secum, aut velut è centro communi evocatam conformatricem protinus invitat ad marem describendum, quemadmodum eadem vis, si præ languore, aut ejusdem organi pigritie quâdam conclusa sit, fœminam mox sed intus figurat. Quapropter mas à primâ origine firmi caloris conscius & testis, celerius in utero motus, nec non ad diffidendum opportunè carceres suos semper alacrior, principiorum quibus constat, unaque viscerum unde manant, firmitatem sic demonstrat, ut eorum quæ invicem tam arctè conspirant, altero malè morato quidpiam ad unguem elaboratum prodire non possit. Sic itaque ex laudabili chylo melior editus sanguis integerrimum de se semem proferet; argumento certè robustiorem ventriculum, eique muneris ordine subjectas partes alias probè jam constitutas, suam simul ac semel testibus symbolam contulisse, ut probum semen suscipiant, quod prolificum perinde mulier gignit, nullâ re majoris momenti viro inferior, imo cui contumeliosius est, quisquis monstrum esse malit, quàm inter Heroas illam aliquando computare.

QUID ergo? Licet ex æquo sexus affectet natura, nec usquam à fine declinet, dum fœminam generat, attamen matri primo partu marem enixæ fœcunditatem omnis benè omittitur. Siquidem mas turgentis calore seminis propagatio est, semenque ipsum merus propriusque in locis primum excoctus, tumque concurrentis undeliber spiritus motione multâ spumans dealbatusque sanguis est. Jam verò num qui ex nutritione superflus seminum sit materia, is ipse hæmatopoieticôn viscerum domesticum est opus, ad quod perinde nec fecus absolvendum pro suâ quæque naturâ, robore inquam seu crassi, ac formâ definiuntur. Atque tunc ubi primum fervent opere, ex præcipuis, probè que habentibus officinis, quod uniuscujusque fuerit perfectissimum opus, sanguis nimirum ex hepate & corde, spiritus insuper è cerebro, ac semen à solis testibus emanat, tum demum tot ex fontibus, quemadmodum variis aquarum inductionibus terris ubertas datur, ipsa mox bonorum parens, arvo bellè comparato, fœcunditas in sexum prorumpit, quæ communibus cum vitâ atque diuturnioris ævi sanitate fundamentis innixa, per longam nepotum seriem, speciei perpetuitatem, quæ naturæ votum est, atque per renovatos stemmatum splendiores gradus, ipsi generi, nominis, in quod laborant, immortalitatem afferat, siquidem quæ crebrò prægnans futura est, facillè concipit, atque sana est.

Igitur quæ primo partu Mærem generant fecundiores.

DOMINI DOCTORES DISPUTATURI.

M. Michail de Hodencq.
M. Pontius Maurin.
M. Joannes-Baptista Ferriand.

M. Carolus Marteau.
M. Antonius le Moine, Chirurgie Professor.
M. Guido. Crescentinus Fagon, Reginæ Francorum Medicus primarius,

M. Franciscus Sorand.
M. Nicolaus Rainssant, Pharmacia Professor.
M. Petrus Pouret amicus Fratris Regii Medicus ordinarius, & Pharmacia Professor.

Proponebat Parisiis BERTINUS SIMONDIEUXIVOYE, Parisinus, Baccalaureus Medicus. A. R. S. H. 1683.